



Ministry of Civil Affairs

Broj:10-07-5-2029-VV-MD/15
Sarajevo, 05.10.2015. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 08-10-2015			
Organizaciona jedinica	Klasifikaciona oznaka	Redni broj	Broj prilog
01-SD-1-15	-17	17	15

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM

n/r g-đa Borjana Krišto, predsjedavajuća
SARAJEVO

PREDMET: Odgovor u pisanoj formi na usmeno postavljeno zastupničko pitanje Nikole Špirića, dostavlja se

Na 17. sjednici zastupničkog doma Parlamentarne skupštine Bosne i Hercegovine, održanoj 16.09.2015. godine, zastupnik Nikola Špirić postavio je ministru civilnih poslova Bosne i Hercegovine sljedeće pitanje u usmenoj formi:

„U Službenom glasniku BiH, broj 63/15 objavljena je Odluka o odobravanju sredstava iz tekuće budžetske rezerve u iznosu od 925.000 KM. Sredstva su dodijeljena uglavnom u cilju pružanja podrške sportu i kulturi. Želim napomenuti da je Zakonom o budžetu za 2015. godinu Ministarstvu civilnih poslova odobreno 4.150.000 KM za dodjelu grantova. Shodno Zakonu o budžetu Vijeće ministara je utvrdilo kriterije za dodjelu ovih sredstava kroz pet grantova, između ostalih, za sufinansiranje sportskih manifestacija i podršku kulturi. Javni poziv za dodjelu grantova je raspisan i koliko mi je poznato, u toku je procedura koju vrši komisija. Dakle, prije dodjele grantova, koji su namjenski planirani za oblast kulture i sporta, dodijeljena su dodatna sredstva od gotovo milion KM. Da li to znači, da za one za koje se zna unaprijed da neće ispuniti uslove iz javnog poziva ili iz bilo kojih razloga nisu kandidovali projekte ili nisu dostavili urednu dokumentaciju za dodjelu sredstava iz grantova, Vijeće ministara sredstva odobrava nepoštujući zakone koje usvoji ovaj parlament? Dakle, pozivam se na Zakon o budžetu za 2015. godinu i Zakon o finansiranju institucija BiH.“

Povodom navedenog pitanja Ministarstvo civilnih poslova Bosne i Hercegovine u skladu sa zahtjevom zastupnika Nikole Špirića da se odgovor na navedeno pitanje dostavi i u pisanoj formi, u skladu sa članom 171. stav (5) Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, broj 79/14) daje sljedeći

ODGOVOR

Odlukom o odobravanju sredstava iz tekuće rezerve Budžeta Institucija Bosne i Hercegovine i međunarodnih obaveza Bosne i Hercegovine za 2015. godinu (Službeni glasnik BiH, broj 63/15) dodijeljena su sredstva kulturnim i sportskim subjektima u ukupnom iznosu od 925.000 KM. Na predmetnu Odluku pozitivno mišljenje su dali Ured za zakonodavstvo Vijeća ministara BiH i Ministarstvo finansija i trezora BiH.

Svi kulturni i sportski subjekti kojima su Odlukom dodjeljena sredstva imaju veliki kulturni i sportski značaj za Bosnu i Hercegovinu i doprinose njenoj afirmaciji. Subjekti iz oblasti sporta koji su dobili sredstva ostvaruju značajne rezultate i afirmišu Bosnu i Hercegovinu. Najbolji primjer je uspjeh mlade reprezentacije košarkaša Bosne i Hercegovine. Predmetnom Odlukom pružila se pomoć u radu i djelovanju korisnika sredstava, koji su se obraćali zahtjevima za hitnom intervencijom u cilju rješavanja svojih gorućih problema i sanaciji oštećenih objekata, od kojih su na nekim objektima oštećenja izazvana poplavama. Institucije kulture se nalaze u teškoj situaciji, imamo stalne zahtjeve za pružanje podrške kako ne bi došli u situaciju da zatvaraju svoja vrata i bude doveden u pitanje njihov rad. Grant sredstva za kulturu nisu dovoljna da bi mogli da se zadovolje svi zahtjevi koji stižu na Ministarstvo civilnih poslova.

Odluka o dodjeli sredstava iz budžetske rezerve donesena je u julu mjesecu prije objave javnog poziva za dodjelu grant sredstava za kulturu tako da ne stoji da sredstva dodijeljena onima za koje se zna unaprijed da neće ispuniti uslove iz javnog poziva ili iz bilo kojih razloga nisu kandidovali projekte ili nisu dostavili urednu dokumentaciju za dodjelu sredstava iz grantova. Vijeće ministara BiH poštuje u potpunosti Zakon o budžetu BiH i Zakon o finansiranju institucija BiH. Institucije koje su dobile sredstva iz budžetske rezerve ne mogu dobiti ponovo sredstva iz granta za iste namjene.

S poštovanjem,

